

Na osnovu člana 46. stav 1. tačka 1. Zakona o visokom obrazovanju u Hercegovačko-neretvanskom kantonu (Službene novine Hercegovačko-neretvanskog kantona broj 4/2012), te članova 48. stav 1. tačka b) i 257. stav (2) Statuta Univerziteta „Džemal Bijedić“ u Mostaru, na 3. sjednici održanoj dana 29.9.2025. godine, Upravni odbor Univerziteta „Džemal Bijedić“ u Mostaru je donio

PRAVILNIK

o korištenju sportskih terena Univerziteta „Džemal Bijedić“ u Mostaru

OPŠTE ODREDBE

Član 1.

Ovim Pravilnikom uređuje se način korištenja sportskih terena Univerziteta „Džemal Bijedić“ u Mostaru (dalje: **Univerzitet**) od strane sportskih klubova, udruženja i drugih pravnih i fizičkih lica, te druga pitanja vezana za korištenje odnosno zakup sportskih terena.

Član 2.

Sportski tereni u smislu člana 1. ovog Pravilnika su:

- Vanjski nogometni teren/i
- Atletska staza
- Padel tereni
- Mini golf teren

KORIŠTENJE SPORTSKIH TERENA

Član 3.

Sportske terene iz ovog Pravilnika prvenstveno će koristiti radnici i studenti Univerziteta „Džemal Bijedić“ u Mostaru za realizaciju naučno-nastavnog, umjetničkog, umjetničko-nastavnog i naučno-istraživačkog rada. Sportske terene mogu koristiti i sportski klubovi, udruženja i druga pravna i fizička lica (dalje: **Korisnik**) u skladu s ovim Pravilnikom, ugovorom i Odlukom o usvajanju cjenovnika korištenja usluga sportskih terena Univerziteta „Džemal Bijedić“ u Mostaru.

Član 4.

Namjena sportskih terena iz člana 2. predviđena je za:

- realizovanje naučno-nastavnog, umjetničkog, umjetničko-nastavnog i naučno-istraživačkog rada Univerziteta „Džemal Bijedić“ u Mostaru
- trenažni proces
- sportsku rekreaciju
- sportska takmičenja
- realizaciju drugih odgovarajućih sadržaja

Član 5.

Ugovor o korištenju sportskih terena Univerziteta zaključuje rektor Univerziteta.

Ugovorom se definišu, pored opštih odredaba, vremenski period korištenja terena, termini korištenja, odgovorna osoba Korisnika, naknada za korištenje, način i rokovi plaćanja naknade te ostali uslovi korištenja.

Član 6.

Naknada za korištenje sportskih terena utvrđena je Cjenovnikom korištenja usluga sportskih terena Univerziteta „Džemal Bijedić“ u Mostaru.

Član 7.

Šef tehničke službe Univerziteta dužan je voditi evidenciju o:

- rasporedu termina korištenja sportskih terena
- redovnom pregledu i održavanju sportskih terena, inventara i opreme
- eventualnim oštećenjima, kvarovima, nedostacima i sl.

Član 8.

Termini korištenja sportskih terena se održavaju prema utvrđenom rasporedu. Početak termina se računa od momenta ulaska na sportske terene, a završetak termina momentom napuštanja sportskih terena.

UPOTREBA OPREME I IMOVINE

Član 9.

Korisnik može koristiti sportske terene samo za namjenu zbog koje mu je odobreno korištenje istih uz obavezno korištenje adekvatne sportske opreme.

Korisnik koji prilikom korištenja sportskog terena napravi određenu štetu istu je dužan nadoknaditi. U slučaju pričinjene štete obavlja se uvid, kojem prisustvuju šef tehničke službe Univerziteta, i Korisnik, o čemu se sastavlja Zapisnik.

Utvrdjeni iznos štete Korisnik je dužan nadoknaditi najkasnije u roku od osam dana od dana dostavljanja Rješenja rektora, a na osnovu procjene koju utvrdi stručno i ovlašteno lice građevinske struke.

Ako štetu prouzroči više korisnika, svaki korisnik je odgovoran za dio štete koju je prouzročio. Ukoliko se ne može ustanoviti udio svakog korisnika pojedinačno u iznosu nastale štete, za štetu odgovaraju solidarno svi korisnici koji su sportske terene koristili u periodu kada je šteta nastala.

Protiv Rješenja iz stava (5) člana 12. Korisnik ima pravo žalbe Upravnom odboru Univerziteta u roku od osam dana od dana prijema Rješenja.

Žalba odlaže izvršenje rješenja.

Član 10.

Korisnici su obavezni da se razduže prilikom napuštanja terena, a što podrazumijeva:

1. Čišćenje i uređenje terena
2. Predaju opreme i terena u stanju u kakvom je korisnik iste zatekao

SIGURNOST KORISNIKA I GLEDALACA

Član 11.

Za održavanje utakmica ili drugih sadržaja na sportskim terenima, Korisnik je dužan postupiti po Zakonu o javnom okupljanju Hercegovačko-neretvanskog kantona.

Član 12.

Univerzitet nije odgovoran za bilo kakvu štetu ili povredu Korisnika nastalu pri korištenju sportskih terena. Prijavu javnog okupljanja nadležnoj policijskoj stanici podnosi Korisnik-organizator sportske priredbe ili manifestacije i odgovoran je za očuvanje i provođenje javnog reda i mira, u i oko sportskog terena za vrijeme odvijanja sportske manifestacije, kao i po njihovom završetku, do trenutka predaje objekta. Svaki Korisnik sportskih terena dužan je prilikom korištenja postupati u skladu s ovim Pravilnikom. U slučaju nepoštivanja ovog Pravilnika korisniku se može oduzeti pravo korištenja sportskih terena.

ZAVRŠNE ODREDBE

Član 13.

Ovaj pravilnik stupa na snagu danom donošenja.

Broj: 100-4005/25

Mostar, 29.9.2025. godine



Univerzitet „Džemal Bijedić“ U Mostaru

prof. dr. Alma Leto, predsjednica Upravnog odbora